

ARRÊST²⁹ 14.

DE LA COVR
DE PARLEMENT,
donné en Reformation de Re-
glement entre les Medecins &
Appotiquaires.

*Prononcé le Vingt-troisiesme Iuin
mil six cents vingt-neuf.*



A PARIS,
Chez JEAN BESSIN, rue de Reims,
prés le College.

M. DC. XXIX.

الحمد لله

بسم الله الرحمن الرحيم

الحمد لله الذي هدانا لهذا

الذي كنا في ضلال عنه

والحمد لله الذي جعلنا من

أهل الجنة

والحمد لله الذي جعلنا من

أهل الجنة

والحمد لله الذي جعلنا من

أهل الجنة

والحمد لله الذي جعلنا من

أهل الجنة

والحمد لله الذي جعلنا من

أهل الجنة

والحمد لله الذي جعلنا من


أهل الجنة

والحمد لله الذي جعلنا من


أهل الجنة

والحمد لله الذي جعلنا من

أهل الجنة



*ARREST DE LA COUR DE
Parlement, donné en reformation de
Reglement entre les Medecins
& Appotiquaires.*

 NTRE Maistre Louys Bon-
nin Docteur en Medecine,
demeurant à Montargis, ap-
pellant d'un Reglement faict
par le Preuost Iuge ordinaire
dudit Montargis ou son Lieutenant le 27.
Septembre 1627. ensemble des Sentences
d'homologation d'iceluy faicte tant en la
Preuosté que Bailliage dudit lieu & de tout
ce qui s'en est ensuiuy: Et encores ledit Bon-
nin avec Alexandre son seruiteur, appellans
d'une Sentence donnee par ledit Preuost de
Montargis le 5. May 1628: d'une part. Et Re-
my Lafnier, Iean Boucault & Ysaac Baulier
en leurs noms, ayant repris l'instance au lieu
de deffunct François Boucheron Maistre
Appotiquaire audit Montargis, inthimez
d'autre. VEV par la Cour ledit Reglement
par lequel auroit esté ordonné que lesdits in-
thimez seroient & demeureroiét Apotiquai-
res, Espiciers, droguistes & confiseurs cōme
ils auoient esté de tout temps, & que pour le
bien public, leur art & maistrise seroit & de-

menreroit estably en iurande, suiuant & conformement aux Edits du Roy pour estre reglez à l'aduenir, aux charges & conditions que ceux qui voudroient paruenir à ladite Maistrise d'Appoticquaire auant que d'estre receus, seroient tenus informer de leur bonne vie, mœurs, conuersation & Religion, qu'ils seroient suffisamment instruits en la lāgue Latine pour y lire & entendre les liures de l'art, qu'il n'y auroit aucun receu à ladite Maistrise, que prealablement il n'eust fait apparoir par instrumens authentiques ou autres preuues, cōme il auroit fait apprentissage, & demeuré continuellement par trois ans sous vn Maistre, soit audit Montargis ou autres bonnes villes iurees, & continué le mesme exercice trois autres anees quelque part que ce fust, que pendant lescdites trois anees d'apprentissage ils ne pourroient se departir du seruice de leur Maistre sans son congé & permission, sinon qu'il y eust cause & matiere raisonnable, à peine de n'estre receus à ladite Maistrise & des dommages & interests de leurs Maistres; & quand aux compagnons ne pourroiet estre distraicts de la maison del'vn des Maistres sans le consentement dudit Maistre, sinon que ledit compagnon se fust absenté de la ville trois mois entiers; seroient tenus les Maistres s'assembler de deux ans en deux ans, pour eslire deux Iurez pour vaquer aux visitations & à l'examen de ceux qui aspireroient à ladite Maistrise, appelé avec

eux vn Medecin, qu'audit examen les aspirans seroient enquis par les Appotiquaires Iurez en la presence du Medecin & autres Maistres qui s'y voudroient trouuer, non seulement sur les medecines, drogues, simples & composées, & maniere de les composer, mais aussi sur vn chef-d'œuvre de trois compositions, par trois diuers iours dont les fraiz ne seroiēt excessifs : Que pour rapporter la suffisance ou insuffisance de l'aspirant qui se seroit présenté à l'examen & auroit faict chef-d'œuvre, lesdits Medecin & Appotiquaire Iurez rapporteroient par deuant ledit Preuost de Montargis le chef-d'œuvre pour estre visité par deux anciens Maistres, autres que les Iurez, ensemble : Et que si par l'examen l'aspirant auoit esté trouué capable de paruenir à ladite Maistrise, seroit procedé à sa reception ou refection, apres auoir sur ce ouy le Procureur du Roy; Quand vn Appotiquaire seroit decedé, auant que sa veufue peust continuer l'exercice, elle seroit tenuë de presenter son principal seruiteur pour estre enquis par lesdits Maistres Iurez en presence de Medecin, tant sur les drogues simples que composées, & la maniere de la composition d'icelles, ordonnances des Medecins & circonstances de l'art, non toutes-fois si exactement comme si lesdits seruiteurs vouloient faire chef-d'œuvre : Duquel examen lesdits Medecin & Appotiquaires Iurez seroient aussi leur rapport, pour sur iceluy

le Procureur du Roy ouy, bailler permission audit seruiteur d'exercer ledit art sous ladite vefue s'il est trouué suffisant faire le serment de luy prealablement pris, sinon procedé au reject d'iceluy ainsi qu'il appartiendrait, sans qu'aucun d'eux peust pretendre salaire pour l'acte, à la charge que la vefue'demeurerait responsable des actions de sondit seruiteur, que lesdits Appotiquaires pourroient auoir vne bourse commune pour employer à la celebration du service diuin & autres affaires necessaires concernant la Communauté, qui demeurerait entre le mains des Iurez, en laquelle bourse commune chacun Maistre seroit tenu de mettre de mois en mois ce qui seroit aduisé entr'eux, & celui qui voudroit entrer en Maistrise le iour de sa reception y mettroit quatre liures tournois: Que les enfans des Maistres Appotiquaires pourroient exercer ledit art sans estre tenus faire chef-d'œuvre, ains seulement souffriroient l'examen tel que dessus avec vn seul acte de chef-d'œuvre, pour ce faict certifiez par ledit Medecin & Iurez Appotiquaires, experts & capables estre receus, information prealablement faicte de leur vie & mœurs: Que les Appotiquaires Iurez feroient le serment à leur eslection de bien, loyallement & en leur conscience sans dissimulation ny acception de personnes, proceder au faict de la visitation des drogues simples & composees qui seroient es maisons, tant des Appotiquaires qu'Es-

piciers de ladite ville & faux-bourgs, ensemble leurs poids & tresbuchets: Que pour faire ladite visitation ils se transporteroient au moins vne fois l'an és maisons desdits Appotiquaires & Espiciers, & ledit Medecin assisté de deux anciens Maistres, autres que les Iurez és maisons desdits Iurez, par lesquels ils se feroient mettre en euidence toutes les drogues, tant simples que composees qu'ils auroient, sans en cacher directement ou indirectement pour les visiter, & les ayant visitées en feroiét rapport pardeuât ledit Preuost de Montargis, par lequel s'il s'en trouuoit aucune qui ne fust bonne & loyale seroit mise par sacs & brulée, ou autrement esteinte qu'on ne s'en peust seruir, avec telle amende que le cas le requerroit, seroient tenus les Appotiquaires qui n'auroient les drogues qu'il leur conuient vser és compositions requises en leur art en achepter ou emprunter de leurs compagnons, pourueu qu'elles fussent bonnes & loyalles, ce qui seroit enioint par ledit Medecin, faisant ladite visitation: Que pour obuier à la malice de ceux qui voudroient faire fraude à ladite visitation lesdits Medecin & Appotiquaires Iurez pourroient à tels iours & toutesfois & quantes que bon leur sembleroit visiter les boutiques des Appotiquaires & Espiciers, & la visitation faite, s'il se trouuoit aucunes drogues vicieuses en feroient rapport, comme dit est, pour estre ceux ou celles qui seroient trou-

rées condamnez en telle amende qu'il plaira
 audit Preuost, selon la consequence de la cho-
 se, au rapport dudit Medecin & Appotiquai-
 res Iurez, la moitié de laquelle amende se-
 roit applicable au Roy, & l'autre moitié à
 ladite bourse commune : Que lesdits Appo-
 tiquaires ne pourroient bailler Medecine
 purgative aux malades que par l'ordonnance
 des Medecins, sinon que les Medecins fus-
 sent hors la ville, & qu'il y eust d'âger eminēt,
 ou que les malades fussent seulement atteints
 de fièvres intermitantes & legeres maladies,
 sans que lesdits Appotiquaires puissent rien
 changer à l'execution de ladite ordonnance,
 sans en auoir auparauant communiqué avec
 ledit Medecin, ny employer en icelles aucu-
 nes vielles drogues corrompuës, ne pourroient
 faire aussi aucune composition de medecine
 sous les ordonnances des Empiriques à pei-
 ne de cent liures d'amende, de prison & de
 punition corporelle, siuon que lesdits Empi-
 riques fussent qualifiez & receus en ladite fa-
 culté de Medecine, ny faire leurs compo-
 sitions solemnelles & de garde, sans y appeller
 ledit Medecin & Appotiquaires Iurez : Que
 deffences seroient faictes à toutes autres per-
 sonnes d'exercer l'art d'Appoticaire en ladi-
 te ville ny bailler aucunes medecines, soit
 en public ou en particulier, à peine de cent
 liures d'amende, & de punition corporelle si
 le cas le requiert, s'il n'estoit receu par les
 Maistres dudit art de ladite ville, suiuant les
 regles

regles auparauant dites, & pour ce que plusieurs Empiriques & autres estrangers inconnus, gens sans sçauoir & experiēces'estoiēt cy-deuant donnez le nom & le tiltre de Medecin, & efforcé de practiquer en l'art de medecine au grand destriment & danger des corps humains, chose qui estoit dommageable & pernicioſe à la Republique, deffences auroient esté faites à telles gens de pratiquer en ladite ville de l'art & science de Medecine s'ils ne sont Docteurs ou licentiez en ladite faculté de Paris ou autres Vniuersitez fameuses, & que par leſdites facultez ils euſſent esté trouuez sçauans, ſuffiſants & experimentez de leurſdites qualitez. Et sur ce leur eust esté permis de pratiquer en ladite ville : Que leſdits Appotiquaires ne pourroient pareillement vſer d'aucun *qui pro quo*, s'il n'estoit aduoüé par les diſpenſaires ordonnés par la faculté de Paris ou Mōtpellier, que chacun Medecin & Appotiquaires Iurez auroient pour leur vacation de l'examen de l'aspirant & aſſiſtāce à la confection des trois compositions cy-deſſus, comprins le rapport, dix liures tournois, & les autres Maiſtres qui viſiteroient le chef-d'œuvre, chacun ſoixante ſols ; & que pour les viſitations ordinaires, que ledit Medecin & Appotiquaires Iurez ſeroient tenus faire par chacun an, ils auroiēt chacun huit ſols à prendre sur chacun Maiſtre Appotiquaire, & sur chacun Eſpicier, droguiste huit ſols, pour les trois viſiteurs, Sentence du 23. Decembre 1627. par laquelle

ledit Reglement auroit esté homologué pour
 estre entretenu & gardé selon sa forme & te-
 neur, & ordonné qu'il seroit enregistré au Gref-
 fe dudit Montargis pour y auoir recours
 quand besoin seroit, ladite sentence & iuge-
 ment du 5. May, par laquelle nonobstant l'ap-
 pel interjetté par ledit Bonnin & Alexandre,
 auroit esté ordonné qu'il deffendroît à la de-
 mande desdits Laignier & Consorts, Arrests
 des dernier Aoust & 14. Octobre 1628. par
 lesquels sur lesdites appellations les parties
 auroient esté appoinctées au conseil à bail-
 ler causes d'appel, responce, productions &
 contredits desdites parties, conclusions du
 Procureur general, Arrest du 19. May der-
 nier, par lequel auant faire droict sur lesdites
 appellations, auroit esté ordonné que ledit
 Reglement seroit communiqué à deux Do-
 cteurs de la faculté de Medecine, & deux
 Maistres anciē Appotiquaires de ceste ville
 de Paris, pour sur iceluy donner leur aduis
 pour, ce fait & rapporté estre fait droict ausdi-
 tes parties, ainsi qu'il appartiendra, procès
 verbal du Conseiller cōmis, contenant l'aduis
 des Medecins & Appotiquaires par luy nom-
 mez d'office sur ledit Reglement a eux com-
 muniqé, conclusions du Procureur general,
 & tout considéré. DIT A ESTE', que ladite
 Cour a mis & met l'appellation interietée
 par ledit Bonnin dudit Reglement, & ce dont
 a esté appellé au neant sans amende, à l'esgard
 des 6. 7. 11. 13. 14. 16. 17. & 20. articles d'ice-
 luy Reglement, en emendant quād à ce, a or-

donné & ordonne qu'à l'examen de ceux qui aspireront à ladite Maistrise, lesdits aspirans seront enquis par les Appotiquaires Iurez en la presence de deux Medecins & autres Maistres qui s'y voudroient trouver, non seulement sur les Medecines, drogues simples & composees, & maniere de les composer, mais aussi sur vn chef-d'œuvre de trois compositions par trois diuers iours dont les frais ne seront excessifs. Le 7. Que pour rapporter la suffisance ou insuffisance de l'aspirant qui se fera presenté à l'examen & fait chef d'œuvre lesdits deux Medecins & Appotiquaires Iurez rapporteront par deuant ledit Preuost de Montargis le chef-d'œuvre pour estre visité par deux anciens Maistres autres que les Iurez, ensemble si par l'examen l'aspirant a esté trouué capable de paruenir à ladite Maistrise pour sur ce le Substitut du Procureur general du Roy ouy, proceder à la reception ou reiet d'iceluy. Le 11. les enfans des Maistres Appotiquaires seront tenus faire chef-d'œuvre & subir mesme examen que les autres aspirans en la mesme maniere, information prealablement faicte de leurs vies, mœurs, le tout sans fraiz. Le 13. Seront faictes deux visitatiōs és boutiques des Maistres Appotiquaires & Espiciers par chacune annee vers le Printemps & l'Automne par lesdits Medecins & gardes des Appotiquaires, & les boutiques desdits Gardes seront aussi visitées par lesdits Medecins & autres Maistres Appotiquaires de ladite ville de

Montargis. Le 14. Seront tenus lesdits Maistres Appotiquaires auoir toutes les drogues & compositions dont il conuient vser iournellement, & principalement celles qui ne se peuuent faire qu'une fois l'an; Ce qui leur sera enjoinct par lesdits Medecins en faisant lesdites visitations. Le 16. Ne pourront lesdits Appotiquaires bailler medecines purgatives aux malades que par l'ordonnance des Medecins, & sans que lesdits Appotiquaires puissent rien changer de l'execution de ladite ordonnance, sans en auoir auparauant communiqué avec le Medecin, ny employer en icelle aucune vieille drogue & composition corrompue. Le 17. Ne pourront aussi lesdits Appotiquaires faire aucune composition de medecine soubz les ordonnances des Empiriques, à peine de cent liures d'amende, de prison & de punition corporelle, ny faire les compositions solennelles & de garde sans y appeler lesdits Medecins & Appotiquaires Iurez. Et le 20. Ne pourront pareillement lesdits Appotiquaires vser d'aucunes drogues pour vne autre, s'il n'est aduoué par les dispensaires ordonnez par la Faculté de Paris ou Montpellier, ou iugez tels par les Medecins de ladite ville de Montargis, ledit Reiglement auant fortissant effect: Et en consequence de ce, sur les autres appellations desdits Bonin & Alexandre, a mis & met lesdites parties hors de Cour & de proces, le tout sans dépens. Prononcé le 23. Iuin 1619.

COLLATION.